



KEMENTERIAN SUMBER ASLI, ALAM SEKITAR
DAN PERUBAHAN IKLIM

SIARAN MEDIA

PROJEK PEMBANGUNAN KEMUDAHAN PELANCONGAN DAN AKTIVITI REKREASI DI TAMAN NEGARA PAHANG, SUNGAI RELAU, ALTERNATIF ALIH KEMASUKAN PELANCONG

Pada 5 November 2023, Menteri Sumber Asli, Alam Sekitar dan Perubahan Iklim (NRECC) Nik Nazmi Nik Ahmad telah mengadakan lawatan kerja ke Taman Negara Pahang bagi memantau Projek Pembangunan Kemudahan Pelancongan dan Aktiviti Rekreasi di Sungai Relau.

Projek di bawah NRECC melalui Jabatan Perlindungan Hidupan Liar dan Taman Negara (PERHILITAN) ini melibatkan peruntukan berjumlah RM14.1 juta dan telah siap sepenuhnya pada 15 Ogos 2022.

Skop projek meliputi pembinaan kemudahan *rainforest walk / Tree Top Walk* sepanjang 612 meter, serta merangkumi pembinaan kemudahan menara pemerhati hidupan liar.

Projek ini dijalankan susulan jumlah kemasukan pelancong ke Taman Negara Pahang menerusi pintu masuk Kuala Tahan telah menjejaskan had daya tampung (*carrying capacity*) di kawasan tersebut.

Untuk mengelakkan kesan yang lebih teruk kepada sumber semulajadi yang sedia ada, Jabatan PERHILITAN telah berusaha mengalihkan kemasukan pelancong ke kawasan lain di Taman Negara.

Penyiapan projek pembangunan kemudahan aktiviti baharu dan menaiktaraf kemudahan sedia ada di pintu masuk Sungai Relau akan mewujudkan satu kemudahan aktiviti eko-pelancongan yang baharu dan menitikberatkan persekitaran semulajadi sebagai daya tarikan pelancongan.

Terdahulu, Nik Nazmi turut menyertai Program '*Bamboo Rafting With Me*' yang dilihat sebagai peluang untuk melibatkan diri dalam aktiviti berakit bersama masyarakat setempat di Kuala Betis, Gua Musang, Kelantan.

Program yang dianjurkan oleh Persatuan Kebajikan Rakyat Gua Musang (PANTAS) bertujuan untuk menyemarakkan semangat cinta akan alam sekitar melalui aktiviti berakit serta memberikan peluang untuk lebih memahami dan menghargai alam sekitar.

**KEMENTERIAN SUMBER ASLI, ALAM SEKITAR DAN PERUBAHAN IKLIM (NRECC)
5 NOVEMBER 2023**

Unit Komunikasi Korporat | Kementerian Sumber Asli, Alam Sekitar dan Perubahan Iklim (NRECC)
Tel. : 03-8000 8000 | Faks : 03-8889 4763

